

(钦定)平定七省方略

北京中国书店印行



欽定平定陝甘新疆回匪方略卷一百九十二 己巳年

二月二十八日 庚午 鄭敦謹奏言准駐防永甯州

軍渡總兵劉定發稟稱老湘左旗之軍因該營
營官查拏哥老會匪衆勇不服勾串各營會匪
乘閒生變攻陷綏德州城提督劉松山尙在鎮
靖堡距綏德四百餘里而老湘尙有兩營留紮
軍渡東岸恐變勇糾邀合夥搶渡入晉等情

臣

查綏德距河僅一百數十餘里現在湘勇潰亂
防範自應嚴密隨飛飭已革臬司陳湜由吉鄉
一帶調派兩營速赴軍渡照會太原鎮總兵王
巨孝帶領興臨防兵沿河巡查並照會宋慶軍
營留駐柳林之提督劉廷令酌派兩營移紮軍
渡其張曜軍營留駐磧口之總兵賈蕙山亦令
其帶勇沿河防守復嚴飭沿河各州縣聚集民

區分險設防將渡船提歸東岸並將軍渡左近
船隻離底沈水以免偷渡又函致提督宋慶如
叛勇勢益驕張卽令其親率全軍由神木折回
以顧晉防布璽甫定復據總兵劉定發等稟稱
該叛勇馬步數千馳至軍渡西岸呼令東岸之
湘勇兩營入縣劉定發飛商提督劉廷親帶四
營馳抵該處沿河築壘槍礮齊施又令老湘兩

營開放劈山大礮轟擊該叛勇隨即折回記名
進成定康率隊兩面力擊殺斃叛勇無算並飛
請提督郭寶昌派撥六營進駐清澗以顧劉松
山後路劉松山聞變帶領親兵九營於二十日
行抵綏德先將左旗帶隊官弁正法暫駐於城
之西北郭寶昌亦由延川馳至綏德暫駐於城
之西南該叛勇仍盤踞綏德州城內頃准宋慶

來函已派營由臨縣境內過河前往葭州巡防
堵禦現在劉松山等各營均足巡防西岸東岸
客軍亦經已革臬司陳湜等設法撫馭以安其
心且渡船一律拆毀封禁晉防尙可無虞 臣仍

察看情形如該叛勇一時未能安輯就緒河防
戒嚴 臣卽當帶兵出省駐紮汾州以資鎮攝奏

八

上命軍機大臣傳諭左宗棠庫克吉泰鄭敦謹劉典金
順曰老湘左旗一軍兵變攻陷綏德州城該叛勇竄
擾軍渡西岸呼合東岸之湘勇兩營入夥經官軍轟
擊旋即折回現在劉松山郭寶昌成定康及宋慶所
駐各營足敷巡防西岸卽著鄭敦謹會商左宗棠等
督飭各軍認真守禦毋任該逆勇擾及晉疆劉松山
已抵綏德並著左宗棠庫克吉泰劉典責成劉松山

將該逆勇分別查辦速爲戡定老湘營係該提督所部儻不能剋期蕝事任令逆勢蔓延恐劉松山不能當此重咎也據鄭敦謹奏該營因查拏哥老會匪激成事端究竟如何啟釁是否另有別情左宗棠卽查明原委據實詳細奏聞米脂一帶防務著金順懷遵昨日諭旨妥爲布置仍一面探明情形會同劉厚基等相機進剿遇賊卽擊迅殄逆氛至東岸各客軍鄭

敦謹當督飭陳湜設法撫馭並接濟口食以安其心

三十日

壬申

左宗棠庫克吉泰劉典奏言董志原

回逆陳林崔巍禹得彥馬正和白彥虎于彥祿

等糾合悍黨三四萬分道竄出屯踞正甯南北

兩原及永樂堡白吉原宮阿原一帶將犯邠州

三水并力以擾秦川陝安道黃鼎在邠州聞報

飛飭總兵徐占彪率隊設伏以扼其衝一面函

約知府劉倬雲提督雷正綰兩路會剿賊前
數百騎馳至伏發立斃數賊官軍追至原邊賊
大股萬餘自白吉原擁出黃鼎親率全部渡涇
回會陳林馮君福率騎賊擁至官軍奮力衝撲
伏賊并出黃鼎分飭總兵韋占雄徐占彪等迎
擊自率縣丞青勝藍主簿謝初旭督中軍繼進
賊已四合官軍圍集方陣槍礮環擊賊死傷枕

藉紛紛敗退崔巍于彥祿等各率悍賊回撲參將胡應芳趙嗣昌督隊直衝入陣副將劉治均矛刺逆首于彥祿落馬其姪于驢兒馳救復被遊擊米蘭亭衝出撿之餘逆奔潰悉向宮阿原竄去共斃賊二千餘名陣斬首逆于彥祿等數十名生撿回目于驢兒等六十餘名雷正綰率隊出政平遇陳林馮君福等北竄麾軍截擊殲

賊甚衆探聞回會禹得彥率數千騎竄至獨店
鎮卽令各軍乘雪夜掩擊分數路馳入賊倉猝
奔逃官軍奮力衝殺斃賊數百名沿途跟蹤追
勦擒斬甚多甘肅按察使張岳齡自汧陽二
邀擊於新集鎮復有斬獲餘賊悉折竄回巢此
次各營員弁勇丁鏖戰窮追不遺餘力實屬著
有微勞黃鼎一軍殲斬逸渠尤爲異常出力應

請將總兵徐占鵬等先予獎敘以顯殊尤其餘
各營員弁勇丁可否准臣等擇尤彙保以昭激
勸之處出自

天恩奏入

上諭內閣曰甘肅董志原回逆陳林等糾集悍黨傾巢
東犯分道竄踞正甯南北原及永樂堡白吉原宮阿
原一帶經陝西陝安道黃鼎由邠州率軍進擊並約

提督雷正綰等分路會剿共獲賊二千餘名陣斬首
逆及回目數十名生擒六十餘名雷正綰軍馳至獨
店鎮及按察使張岳齡邀擊於新集鎮均有斬獲勦
辦尙屬得手所有尤爲出力之總兵徐占彪章占雄
均著仍以總兵記名遇缺儘先題奏並賞加提督銜
趙嗣昌著賞加提督銜副將李玉春等四員均著免
補副將以總兵儘先補用內趙興隆並賞給強勇巴

圖魯名號劉治均並賞給敘勇巴圖魯名號皮昌魁
著以總兵升用參將胡應芳等二員均著免補參將
以副將儘先補用遊擊林定遠等三員均著免補遊
擊以參將儘先補用內黃虎臣並賞給揚勇巴圖魯
名號都司朱蘭亭著以遊擊儘先補用並賞給堅勇
巴圖魯名號縣丞青勝藍著免選本班以知縣留於
陝西儘先卽補並賞戴藍翎主簿謝初旭著免選本

班以縣丞留於陝西儘先補用並賞加五品銜其餘出力員弁著准其擇尤彙案請獎

同日定安桂成奏言疊奉

諭旨調赴歸綏各隊如可撤回斟酌情形具奏臣等查

歸綏邊界與甘陝接壤口外地方遼闊防務最關緊要今董幅祥股匪甫經投誠尙未安插妥協馬化澂降衆開亦出邊滋擾尙有馬拉拉等